

BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON  
OPĆINSKI SUD U BUGOJNU  
Broj: 46 0 K 093095 20 K  
Bugojno, 29.12.2021. godine

## U IME FEDERACIJE BOSNE I HERCEGOVINE !

Općinski sud u Bugojnu, po sudiji Sonsirej Radivojević, uz sudjelovanje zapisničara Amine Bušatlije, u krivičnom predmetu protiv optuženog A.Č. po optužnici Kantonalnog tužiteljstva Travnik T06 0 KT 0025876 19 od 07.01.2020. godine zbog kriv. djela „Izazivanje narodnosne, rasne i vjerske mržnje, razdora ili netrpeljivosti“ iz čl. 163 st.2 KZ F BiH nakon održanog usmenog i javnog glavnog pretresa na dan 29.12.2021. godine na kojem je razmotren uloženi Sporazum o priznanju krivnje u prisutnosti optuženog i njegovog branitelja Abaza Omeragića, te Kantonalnog tužitelja Rusmira Hadžića, donio je dana 29.12.2021. godine i istog dana u prisustvu stranaka i branitelja javno objavio:

## P R E S U D U

### **Optuženi:**

A.Č., sin Đ. i H. r. H., iz G.V.U., mjesto Ž., rođen .....godine u mjestu Ž. općina G.V.U., ....., državljanin BiH, JMB:....., po zanimanju poljoprivrednik, nezaposlen, neoženjen, pismen, završena osnovna škola, služio vojsku, nema čin, srednjeg imovnog stanja, osuđivan i to:

- presudom Općinskog suda Bugojno br. K-402/02 od 02.04.2003. godine, zbog k.d. iz čl. 274 st. 1 u vezi sa čl. 23 KZ F BiH, na kaznu zatvora u trajanju od 5 (pet) mjeseci, kaznu izdržao 30.07.2004. godine.
- presudom Općinskog suda Sarajevo br. K-756/02 od 01.10.2003. godine, zbog k.d. iz čl. 273 st. 1 KZ F BiH, na kaznu zatvora u trajanju od 2 (dva) mjeseca, uvjetno na 1 (jednu) godinu,
- presudom Općinskog suda Sarajevo br. K-14/04 od 22.01.2004. godine, zbog k.d. iz čl. 286 st. 1 KZ F BiH, na kaznu zatvora u trajanju od 4 (četiri) mjeseca, uvjetno na 1 (jednu) godinu. Kazna brisana 15.02.2006. godine.
- presudom Općinskog suda Sarajevo br. K-230/05 od 01.04.2005. godine, zbog k.d. iz čl. 286 st. 1 u vezi sa čl. 55 KZ F BiH, na kaznu zatvora u trajanju od 5 (pet) mjeseci. Kaznu izdržao 10.06.2005. godine.
- presudom Općinskog suda Makarska br. K-92/07 od 02.07.2007. godine, zbog k.d. iz čl. 216 st. 1 KZ RH, izrečena novčana kazna u iznosu od 1.575,00 KN
- presudom Općinskog suda u Bugojnu broj 46 0 K 044954 14 K od 10.11.2015.godine zbog k. d. iz čl. 287 st. 1 t. a u vezi sa čl. 31 KZ F BiH izrečena kazna zatvora u trajanju od 7 mjeseci, uvjet dvije godine

- Dana 18.03.2019.godine kazne se brišu Rj. PS G.V.-Uskoplje br.02/4-4-04-2-2-01/16 SA

- nalazio se u pritvoru po Rješenju Općinskog suda u Bugojnu broj 46 0 K 093095 19 Kpp od 16.07.2019.godine u trajanju od mjesec dana od dana lišenja slobode tj. do 13.08.2019.godine do 20,00 sati

## KRIV JE

Što je:

Dana .....godine oko pet sati na lokalitetu V., u mjestu Ž. općina G.V.U., javno izazvao narodnosnu ili vjersku netrpeljivost među konstitutivnim narodima koji žive na tom području, na način da je došao do mjesta, gdje se nalazi spomen obilježje poginulim hrvatskim braniteljima u sklopu kojeg spomen obilježja se nalazi križ sa kapelicom, i u namjeri da oskrnavi spomen obilježje na istom razbio tri reflektora, koja ga osvijetljavaju, a na kapelici djelovanjem fizičke snage odvalio vrata i potom ušao u unutrašnjost kapelice gdje je ošteti jedan vjerski kip, strgao zvonce i isto bacio na livadu, a zatim istog dana oko 18,00 sati došao u zaseok P.-K., koji se nalazi u mjestu Ž., općina G.V.-U., gdje je uzeo kamen u ruku i isti bacio prema kapelici, znajući da takvom radnjom može razbiti staklo, što je i učinio, razbivši dva stakla na kapelici i ošteti kip Gospe koji se nalazio u unutar kapelice

čime je počinio krivično djelo „Izazivanje narodnosne, rasne i vjerske mržnje, razdora ili netrpeljivosti“ iz čl. 163 st.2 KZ F BiH.

pa mu sud primjenom navedene zakonske odredbe, te uz primjenu odredbi čl. 7, čl. 49. st. 1, čl. 60. st.2. i čl. 62. KZ F BiH, kao i odredbe čl. 300. ZKP-a F BiH izriče

## U V J E T N U O S U D U

na način da mu utvrđuje kaznu zatvora u trajanju od 1 (jedne) godine i istovremeno određuje da se utvrđena kazna neće izvršiti ukoliko u vremenu provjeravanja od 4 (četiri) godine ne počini novo krivično djelo.

Na temelju odredbe člana 57. stav 1. Krivičnog zakona Federacije BiH optuženom A.Č. u izrečenu kaznu uračunava se vrijeme koje je proveo u pritvoru u periodu od 16.07.2019.godine u trajanju od mjesec dana od dana lišenja slobode tj. do 13.08.2019.godine do 20,00 sati

Na temelju odredbe člana 74. Stav (1) KZ F BiH optuženom se izriče sigurnosna mjera obaveznog psihijatrijskog liječenja u ambulantnim uvjetima koje će trajati najduže 1 (jednu) godinu odnosno do momenta isteka vremena određenog za izdržavanje kazne zatvora.

Na temelju odredbe člana 212. stav 3. Zakona o krivičnom postupku Federacije Bosne i Hercegovine oštećeni Udruga dragovoljaca i veterana domovinskog rata G.V.U. i S.M. se u cijelosti sa imovinsko pravnim zahtjevom upućuje na parnicu.

Na temelju odredbe člana 202. stav 1 ZKP-a F BiH optuženi se obavezuje na ime troškova krivičnog postupka i to na ime troškova psihijatrijskog vještačenja uplatiti iznos od 200,00 KM i na ime paušalnog iznosa uplatiti iznos od 50,00 (pedeset) KM, dok će o troškovima obavezne odbrane sud naknadno donijeti rješenje.

### O b r a z l o ž e n j e

Zapisničar:

Amina Bušatlija

S U D I J A

Sonsirej Radivojević